

01/01/1997

Perdana Menteri China ucap takziah

KUALA LUMPUR, Selasa - Perdana Menteri China Li Peng hari ini melahirkan simpatinya kepada kerajaan dan rakyat Malaysia ekoran bencana ribut yang melanda Sabah Khamis lalu yang menyebabkan ramai terbunuh.

Beliau melahirkan simpati itu dalam perutusannya kepada Perdana Menteri Datuk Seri Dr Mahathir Mohamad yang dikeluarkan oleh Kedutaan China di sini, hari ini.

Kami yakin penduduk di kawasan terbabit akan dapat mengatasi segala kesukaran itu dan segera pulih dari bencana itu," kata Li.

Setakat ini 170 orang dilaporkan terbunuh dan masih ada yang hilang. Ribut itu turut memusnahkan rumah, jambatan dan jalan raya.

Sementara itu, Presiden Iran Aliakhbar Hashemi Rafsanjani hari ini mengutus ucapan takziah kepada Yang di-Pertuan Agong Tuanku Ja'afar.

Dalam perutusannya, Presiden Aliakhbar berkata semua rakyat Iran bersimpati dengan keluarga mangsa kejadian itu dan berharap mereka dapat bersabar menghadapinya. - Bernama

(END)